

ԳՐԱԿԱՆՈՍՈՒԹՅՈՒՆ ԵՎ ՔՆՆԱԴԱՏԱԿԱՆ ՌԵՎԻԶՄԻ

Ս. ԱՄՐԻՆՅԱՆ — «ՔՆՆԱԴԱՏԱԿԱՆ ՌԵՎԻԶՄԻ ՍԿՋԲՆԱՎՈՐՈՒՄԸ
ՀԱՅ ԳՐԱԿԱՆՈՒԹՅԱՆ ՄԵՋ»*

Հայ գրականության պատմության մեջ քննադատական ռեալիզմի սկզբնավորման ու զարգացման պրոբլեմի ուսումնասիրությունը սովետական գրականագիտության գլխավոր ու էական խնդիրներից մեկն է:

Մինչև վերջերս հրապարակի վրա չի եղել մի ամբողջական, սիստեմատիկ երկ գրական ուղղությունների ձևավորման ու զարգացման պրոցեսի բնութագրման վերաբերյալ: Ս. Սարինյանի «Քննադատական ռեալիզմի սկզբնավորումը հայ գրականության մեջ» աշխատությունը, որը հրատարակել է Գիտությունների ակադեմիան, առաջին քայլն է այդ ուղղությամբ: Այս աշխատությունը գրելիս, հեղինակը, անշուշտ, կանգնած է եղել շատ դժվարությունների առաջ: Բանը այն է, որ հեղինակին հետաքրքրող հարցը սերտորեն առնչվում է 19-րդ դարի 30—60-ական թվականների հայ հասարակական-քաղաքական կյանքի բարդ իրադրության հետ, որը քիչ է ուսումնասիրված:

Իր աշխատության մեջ Ս. Սարինյանը գլխավոր հարցի առնչությամբ շոշափում է շատ պրոբլեմներ, ձգտում է դրանք լուծել մարքսիստական դիրքերից, լուսարանում է եղած փաստերը, վերանայում գրականության պատմության մի շարք գնահատումներ, ասում իր սեփական կարծիքը:

Նախ՝ տեսնենք հեղինակը ինչպես է լուծում աշխատության գլխավոր հարցերից մեկը, այն հարցը, թե երբ է սկզբնավորվել քննադատական ռեալիզմը հայ գրականության մեջ: Նկատենք, որ հեղինակը ոչ իր աշխատության սկզբում և ոչ էլ հետագայում քննադատական ռեալիզմի տեսությունը ընդհանրապես չի քննում, չի զբաղվում նրա բնութագրությամբ, առանձնահատկությունների: Վերհանմամբ: Մինչդեռ նման տեսության անհրաժեշտությունը չգացվում է: Վերջապես ներածության մեջ, փոխանակ միայն խոսելու այն մասին, թե հայ գրականության մեջ երբ է սկզբնավորվել քննադատական ռեալիզմը, հարկավոր էր ընդհանուր շփերով բնութագրել այն, որպեսզի ընթերցողը հենց սկզբից անհրաժեշտ պատկերացում ունենար նրա մասին: Նման ներածության հետևանքով աշխատության մյուս մասերը որոշ չափով կրեոնաթափվեն և ապա՝ հնարավոր կլինի այդ մասերի միջև ստեղծել ավելի սերտ կապ:

Բայց դառնա՞նք հեղինակին հետաքրքրող հարցին: Ե՞րբ է սկզբնավորվել ռեալիզմը հայ գրականության մեջ: Հեղինակը քննում է եղած տարբեր կարծիքները, ժխտում ունի: Վերջում սկզբնավորումը 19-րդ դարի 90-ական թվականների հետ կապելու վերաբերյալ եղած տեսակետները և զարգացնում այն միտքը, որ ռեալիզմը սկզբնավորվել է 19-րդ դարի 30—40-ական թվականներին և իբրև գրական-ստեղծագործական մեթոդ առաջին անգամ դրսևորվեց Խ. Աբովյանի երկերում: Հեղինակը նախաաբովյանական հայ գրականության մեջ տեսնում է միայն ռեալիզմի «ուշագրավ մոմենտներ», ռեալիզմը նրա կարծիքով դրսևորվել է «տարբեր-յին ձևով և ոչ իբրև գիտակցված երևույթ»: Զարգացնելով այն տեսակետը, որ «ռեալիզմի, որպես գրական ուղղության երևան գալը կապվում է նոր ժամանակների բուրժուական հարաբերությունների մեջ ձևավորվող գրականության հետ» (14) հեղինակը դրա հետ մեկտեղ չի ծանրանում այն հարցի վրա, որ քննադատական ռեալիզմի առաջացումը խորապես կապված էր մեր նախորդ գրականության լավագույն տրագիգիանների զարգացման հետ: Այս իմաստով հեղինակը պարտավոր էր հունգամանորեն կանգ առնել և րստ արժանվուն գնահատել մեր գրա-

* Ս. Սարինյան, Քննադատական ռեալիզմի սկզբնավորումը հայ գրականության մեջ, Հայկական ՍՍՌ ԳԱ Հրատարակչություն, Երևան, 1953, էջ 273:

կանոնության ռեալիստական-քննադատական այն տրադիցիաները, որոնք դալիս են խոր անցյալից և որոնք փաստորեն մի տեսակ նախապատրաստեցին քննադատական ռեալիզմի ավելի գիտակցված էտապը:

Բնութագրելով Խ. Արովյանի բազմահարուստ ստեղծագործությունը, Ս. Սարինյանը գրում է. «Խ. Արովյանը հիմք դրեց ոչ միայն հայ ռեալիստական արձակին, այլև հիմնադրելով հայ նոր գրականությունը, ստեղծեց քննադատական ռեալիզմի ուժեղ տրադիցիաներ» (41): Խ. Արովյանի էսթետիկայի խոշորագույն նախապայմաններից մեկը հեղինակը իրավացիորեն համարում է գրարարի մերժման և աշխարհաբարը կիրառելու սկզբունքը, բայց դրանով չի վերջանում ամեն ինչ: Խ. Արովյանը ռեալիստ ստեղծագործող էր, գրականությունը նա մոտեցրեց կյանքին, ծառայեցրեց ժողովրդին, իր երկերով արտացոլեց նրա կյանքը, քննադատեց ու մերկացրեց այն ամենը, ինչ խանգարում էր կյանքի պրոգրեսին: Ճնշ առաջին անգամ ըմբոստացման դրոշակ է պարզում ընդդեմ բռնության և իր «Վերք Հայաստանի»-ով աշխատում է ըմբոստացնել հայ ժողովուրդը» (Հովհ. Թումանյան):

Հեղինակը այնուհետև պոլիմիկա է տանում Արովյանի ստեղծագործական մեթոդի վերաբերյալ, մերժում այն բոլոր կարծիքները, որոնց համաձայն Խ. Արովյանը դիտվում է իբրև ռոմանտիկ: Աշխատության մեջ կան հետաքրքրական դիտողություններ ռոմանտիզմի և ռոմանտիկական պաթոսի վերաբերյալ: Մենք բաժանում ենք հեղինակի այն կարծիքը, որ Արովյանին հիմնականում պետք է համարել ռեալիստ: Մյուս կողմից Արովյանի երկերում կա ակտիվ հերոսացնող ռոմանտիզմ, որը ոգևորել է սերունդներին, հուզել ու շարժել մտքերը: «Վերք Հայաստանին» — գրել է Ավ. Իսահակյանը — հեղեղեց և կրակ ու բոց որոտաց, և շարժեց հայ ժողովրդի ներաշխարհը բովանդակ, և կայծակի նման ճեղքեց ապագայի մութն ու մռայլը, ցույց տվեց փրկության ուղին... Դա հենց այն ակտիվ ռոմանտիզմն է, որին Ս. Սարինյանը անվանում է ռոմանտիկական պաթոս:

Անցնելով հաջորդ շրջանին՝ 50—60-ական թվականներին, հեղինակը հանգամանորեն բնութագրում է «Հյուսիսափայլ»-ի դերը հայ քննադատական ռեալիզմի զարգացման գործում: Այստեղ նա բնութագրում է գրական կարևոր հոսանքների՝ ռեակցիոն ռոմանտիզմի, պրոգրեսիվ ռոմանտիզմի և քննադատական ռեալիզմի ներկայացուցիչներին, գծում նրանց միջև եղած պայքարը, որի մեջ դրսևորվում էին հասարակության տարբեր խավերի շահերն ու տենդենցները:

Այստեղ ընթերցողը գտնում է նոր, համարձակ, համոզիչ մտքեր, փաստարկներ «Հյուսիսափայլ»-ի շրջանի գրողների, հրապարակախոսների, բանաստեղծների վերաբերյալ: Առանձնապես երկար նա կանգ է առնում պրոգրեսիվ ռոմանտիզմի հոսանքի գնահատման վրա: Այս իմաստով ճիշտ է որոշված Ստ. Նազարյանի կատարած դերը հայ պրոգրեսիվ գրականության զարգացման գործում, ցույց են տրված նաև Ռ. Պատկանյանի, Ալիշանի, Շահազիզի և մյուսների պոետական երկերի արժանիքները: Չնայած այդ բանաստեղծների տարբեր խառնվածքին ու ռոմանտիկական ուղղությանը, նրանցից ամեն մեկը հայ գրականությանը բերեց նոր մոտիվներ, տրամադրություններ ու թեմատիկա, օբյեկտիվորեն նպաստեց ռեալիստական մտածողության զարգացմանը: Ռ. Պատկանյանի ռեալիստական բանաստեղծությունները, նրա կողմից երգիծանքի ժանրի ստեղծումը, Ս. Շահազիզի «Էկոնի վիշտը», և այլ երկեր ցույց են տալիս պոեզիայում քննադատական ռեալիզմի տենդենցների ուժեղացում: Հիշվում են նաև «Հյուսիսափայլ»-ի շուրջը խմբված գրողների (Գ. Բարխուդարյան, Մ. Բուդաղյան, Հ. Քուչուրեկյան և այլն) գործերը, հատկապես Գ. Տեր-Հովհաննիսյանի «Տեր-Սարգիս» հուշակավոր վեպը:

Ուշագրավ և հետաքրքրական են 60-ական թվականների դրական-հասարակական կյանքի վերաբերյալ դիտողությունները: Հիմնավորվում է այն միտքը, որ «Հյուսիսափայլ»-ից հետո, 60-ական թվականներին արդեն մեր գրականության մեջ հաղթանակում է պրոգրեսիվ ուղղությունը: Առաջավոր միտքը ամուր կառույց է ռեալիստական գրականության գաղափարին: Մամուլում ավելի ու ավելի է գիտակցվում ու ընդգծվում գրականության հասարակական կոչման, դերի և նշանակության հարցը, Մ. Նալբանդյանի և «Հյուսիսափայլ»-ի պաշտպանած ռեալիզմի պահանջը ընդունվում է մեծամասնության կողմից: Անգամ մամուլի այնպիսի օրդաններ, ինչպես «Կոռուկ հայոց աշխարհի»-ն և «Մեղու Հայաստանին», «Հանդես» են գալիս ռեալիզմի պահանջով:

Աշխատության մեջ հատուկ տեղ է հատկացվում այն հսկայական դերին, որ խաղացել է Միքայել Նալբանդյանը քննադատական ռեալիզմի զարգացման գործում: Այս հարցը հեղինակը լայն ու խոր քննում է մեծ ռեյտինգի գրական ու հասարակական գործունեությունը

արժեքավորելիս: Միանգամայն ճիշտ ու սպառիչ գնահատական է տրվում Մ. Նալբանդյանի «ոցիալական պոեզիային, սատիրական արձակին և շափածոյին, մարտական հրապարակախոսությանը, նամակներին, հիշատակարաններին, հոգվածներին ու գրաքննադատական աշխատություններին»:

Առանձնապես արժեքավոր է Միք. Նալբանդյանի գրական-էսթետիկական հայացքներին նվիրված գլուխը, որով փակվում է սույն աշխատությունը: Հեղինակը մեծ ուղղություններ-դեմոկրատին բնութագրում է իբրև խոշորագույն տեսաբան ու գրական քննադատ, որը շարունակելով Արուստյանի տրադիցիաները և ոգեշնչվելով ռուս ուղղություն-դեմոկրատների (Զեր-նիշևսկի, Դոբրոլյուբով) գաղափարներով, առաջադրեց ու հիմնավորեց ռեալիստական էսթետիկայի իր սկզբունքները, դրանք բարձրացնելով ուղղություն-դեմոկրատական էսթետիկայի մակարդակին:

Դրբի արժանիքներից ենք համարում նաև այն, որ հեղինակը հայ գրականության հարցերը քննում է նրա երկու հատվածների՝ արևելյան և արևմտյան — սերտ կապի ու փոխներգործության մեջ: Աշխատության մեջ առանձին գլուխ է նվիրված 50—60-ական թվականների արևմտահայ գրականության բնութագրմանը: Հեղինակը ընդգծում է արևմտահայ ռեալիզմի կոնկրետ առանձնահատկությունները, այն պայթարը, որ տեղի ունեցող գրական տարբեր հոսանքների միջև: Բնութագրվում է ռեակցիոն հոսանքի գրականությունը (Հեքիմյան, Թերզյան, Գալֆայան, Հիսարյան, Խանսանամյան և այլն) և մամուլը («Երևակ»):

Ընդհանրապես ճիշտ գնահատելով 60-ական թվականների քննադատական ռեալիզմի որակական նոր երանգները և անելով հետաքրքրական դիտողություններ գրական հնրոսի հարցի վերաբերյալ, հեղինակը, սակայն, երբեմն ընկնում է որոշ ծայրահեղությունների մեջ, երբ միևնույն մակարդակի վրա է դնում ուղղություն-դեմոկրատ Նալբանդյանին և դեմոկրատ Ղ. Աղայանին և նրանց մեթոդը համարում է միևնույն որակի, ակտիվ ռեալիզմ, ըստ որում, ակտիվ ռեալիզմի նրա տեսությունը հանգում է այն մտքին, որ եթե գրողը իրականության քննադատությունը տալով (անկախ թե նա ինչ խորությամբ է այդ կատարում) ուղիներ ցույց չի տալիս, կամ գրական հերոսներ չի ստեղծում, ապա՝ դառնում է պասսիվ ռեալիստ: Նա Գոգոլի դիմականեր պատուող ռեալիզմը չի համարում ակտիվ, մոռանալով, որ նրա ստեղծագործությունը հսկայական ճանաչողական, դաստիարակչական ակտիվ դեր խաղաց ռուս հասարակական կյանքում: Հեղինակը վկայակոչում է Զերնիշևսկուն, սակայն վերջինս խոսում է ոչ թե 30—40-ական թվականների ռեալիզմի պասսիվության, հայեցողական բնույթի, այլ նրա մի շարք առանձնահատկությունների մասին, որոնց համեմատությամբ 60—70-ական թվականների ռեալիզմը դարձավ զարգացման մի նոր էտապ և իր կոնկրետ արտահայտությունը գտավ ուղղություն դեմոկրատական գրականության մեջ:

«Քննադատական ռեալիզմի սկզբնավորումը հայ գրականության մեջ» աշխատությունը զերծ չէ նաև այլ թերություններից: Սակայն իր ամբողջության մեջ այս գիրքը օգտակար դեր կխաղա 19-րդ դարի հայ գրականության մի շարք պրոբլեմների խոր ուսումնասիրության և լուծման գործում:

Այս իմաստով ողջունելի է և խրախուսանքի արժանի հեղինակի կատարած աշխատանքը:

Ա. ԲԱՂԴԱՍՍԱՐՅԱՆ